

Powšitkowne WOZJEWJENJA

njedźelu, 9. meje 2021

Wusyłanje Božeje mšě

Serbskorěčnu Božu mšu móža wěriwi tutu njedźelu, 9. meje, znowa jako livestream w interneće scěhować. Wona přenjesje so dopołdnja w 9 hodź. z Radworskeje cyrkwje. Link na nju je na internetowej stronje www.posol.de podaty.

Mejski nyšpor dekanatneje młodžiny

Dekanatne dušepastyrstwo za młodžinu přeprošuje młodostnych na mejski nyšpor. Tutón wotměje so sobotu, 15. meje, w 19 hodź. w Róžeńće.

Digitalny a decentralny ekumeniski zjězd

Lětuši 3. ekumeniski cyrkwinski zjězd wotměje so wot štwórtka do njedźele, 13. do 16. meje. Pod hesłom „pohladajće“ (Mk 6,38) přeprošuja Centralny komitej katolikow Němskeje (ZdK) a Němski ewangelski zjězd (DEKT) zhromadnje z Limburgskim biskopstwom a Ewangelskej cyrkwju w Hessenskeje a Nassauwje (EKHN) na wjacore zarjadowanja. Tute wotměja pak so koronoweje pandemije dla decentralnje a digitalnje. Hłownej Božej službje – zahajenska na swjedenju Božeho spěca, štwórtk, 13. meje, a zakónčaca njedźelu, 16. meje, stajnje w 10 hodź. – přenjesetej telewizijnej scelakaj ARD a ZDF. Wšitke dalše debaty, džěłarnički, rozmołwne koła a kulturne zarjadowanja móža zajimcy w interneće scěhować a so tež darmotnje na nich wobdźeleć. Nadrobne informacije k programej kaž tež nadawki a zaměry křesćanskich zarjadowanjow su na internetowej stronje www.oekt.de wozjewjene. Kulturny wjeršk zjězda twori prapremjera oratorija „JEDYN“, kotryž bu skladnostnje ekumeniskeho cyrkwinskeho zjězda spisany. Rada katolikow w Drježdžansko-Mišnjanskim biskopstwje a Krajny wuběrk za kongres a cyrkwinski zjězd sakskeje ewangelsko-lutherskeje krajneje cyrkwje přeprošatej křesćanow w Sakskej a wuchodnej Durinskej, zo bychu so tohorunja na ekumeniskim zjězdze wobdźělili. Wěriwi su namołwjeni, krótke wideja k temje „20 + 4 = 100 dobrych přičin ekumeny“ natočić a na internetowej stronje www.oekt-sachsen.de wozjewić – tež serbsce. Hesło zwjazuje procentualny podźěl katolikow a protestantow w kraju a počahuje so zdobom na moto lětušeho 100lětneho jubileja Drježdžansko-Mišnjanskeho biskopstwa. Wobej mjenowanej linkaj stej pod www.posol.de wozjewjenej.